

Image not found

<https://letteraturaeuropea.let.uniroma1.it/sites/all/themes/business/logo.png>

Lirica Medievale Romanza

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Per melhs cobrir lo mal pes e·l cossire >

Tradizione manoscritta > CANZONIERE C > Edizione diplomatica

Edizione diplomatica

image not found
https://letteraturaeuropea.let.uniroma1.it/?q=sites/default/files/styles/330_px/public/C%20%283%29%20%28e%29%20%28d%29%20%28e%29%20%28ue%29%20%28n%29%20%28tedor%29%28n%29.

B. d(e) ue(n)tedor(n).


PEr mielhs cobrir lo mal
trag el cossire. chant
e deport (et) ai ioy e solaz.
e fas esfortz quar sai
chantar ni rire. quar ieu me
muer e nul semblant no(n) fatz.
e per amor sui si apoderatz. tot
ma uencut ab forsa (et) ab batalha.

Anc dieus no fes trebalha ni
martire. sens mal damor q(ui)eu
noi sofris empatz. mas daq(ue)lh
eiy sui ieu si bon sufrire. qua
mors mi fai amar lai on li platz.
e dic uos tant que sieu no sui
amat. so non rema en la mia
nualha.

De midons sui hom
amics e seruire. e nolenquier
nulhautras amistatz. mas qua
celat los sieus bels huels me ui-
re. que gran bem fai lesguartz
quan sui iratz. e rent len laus
e merces ab dols gratz. q(ue)l mon
non ai amic q(ui) tan mi ualha.

Molt mi sap bon lo iorn quieu
la remire. la bochels huelhs el
front els mas els bratz. e lautre
cors que res non es a dire. que
no sia belhamen faissonatz. gen-
ser de lieys non pot faire beutatz.
ieu men ai gran pena e gran tre-
balha.

A mon talan uuelh mal
tan la dezire. e pretz men mais
quar ieu fu tan auzatz. quen
tan aut loc auzes mamor assire.
que ieu en sui cortes (et) ensenhatz.
e quant la uei sui ta(n) fort enueaz.

	ueiaire mes quel còr ues lieis mi salha. Dins e mon cor mi rasc fort e mazire. q(ua)r ieu sec tant las mias uoluntatz. mas negus hom no dec aital ren dire. quom no sap ges cu(m) ses auenturatz. que farai do(n)cs dels bels semblans priuat. fal hirai lur uuelh quel mons mi falha. Ab lauzengiers non ai ren a deuire. quar anc per lor no fo rics iois celatz. e dic uos tant que per mon es- condire. (et) ab mentir lor ai ca(m)- gatz los datz. ben es totz iois a perdren destinatz. que zes per- dutz per la lur deuinalha. Corona mant salutz (et) amistatz. e prec midons q(ue) maiut e mi ualha.
--	--

- letto 322 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2157>